

دارالفنون

ادبیات فارسی و ادبیات عربی

فلسفه، اجتماعیات، تاریخ، جغرافیا، ادبیات

ایکلی آمده بر نشر اولنور

مدرجات :

- اسلام اجتماعیات [از میرلی اسماعیل حق]
- آناطولیة اسلامیت [پروفیسور فرانتس باپینگر]
- صنعت و متافیزیک [اسماعیل حق]

کتابیات و مجموعہ

نجیب عام
۰ع۰م
۰خ۰

ابن مہنا لغی
اجتماعیاتہ دائر اثر
مجموعہ

شہزادہ ہاشمی : اوقاف اسلامیہ مطبعہ

۱۳۳۸-۱۹۲۲

اجتماعیاتہ دائر اثر لر :

پارس ، ۱۹۱۸ ، ۲۴۶ صحیفہ C. Bouglé-Chez les prophètes socialistes

پارس ، ۱۹۲۲ ، ۲۸۶ صحیفہ C. Bouglé- Leçons de sociologie sur l'évolution des valeurs

مدرس بوغله سوربون دارالفنوننده اولجه ویردیکی « مسالك اقتصادیه تاریخی » درسلیله دورقه یمک وفانی اوزرینه درعهده ایله دیکی « اجتماعیات و اخلاق » درسنه متعلق نشریات و تقریرلرینی یواییک جلدده طویلاور .

بونلردن برنجیسی سوسیالیزم جریانک باشلیجه ابکی صفحه سنه ، بعضاً لسانمزده خیالپرور سوسیالیزم و علمی سوسیالیزم کی مترجم تعبیرلرله اشارت ایدیلن ایکی تاریخی شکله عائد اوچ تدقیق (۱ - سن سیمونجیلر و عمله ۲ - سن سیدون مسلمانکنده فیه مینیزم ۳ - فرانسز آلمان اتفاق فیکریسی (۱۸۴۴) و برده قارل مارکسک « علمی » سوسیالیزمی ایله دورقه یم مکتبک اجتماعیات آراسنده کی مناسبتری آراشدیران و اولجه فلسفه قونغرہ سنه تقدیم ایدیلش اولان برخطره نی احتوا ایدیور . بوخطره قونغرہ نشریات آراسنده اولجه آیریجه باصیلش ایسه ده اهمیتنه بناء مدرسه مجموعه سی ایچونده بعضی نقطه لرینی قید و توضیح ایدیورز .

ب . اول « آفاق اجتماعیات » تسمیه ایله دیکی دورقه یم مکتبی ایله مارکسیزم آراسنده کی اتحاد نقطه لرینی کوستریور : کمی تغییراتک ، معین بر درجه یه وصولله ، کیفی تغییرات تولد ایله دیکی حقنده کی هه غلاک دستوری مارکس مکتبکده اساسلی عمده لرندن بریدر . بو پرنسیپه استناداً مارکس کمی (اقتصادی) تغییراتک کیفی (حقوقی ، اخلاقی الخ ...) تغییراته اساس اولدیغنی ادعا ایده جکدر . هه غلاک پرنسیپی دورقه یم مکتبده خاصدر . « اجتماعی ایش بولومی » جمعیتلرک حقوق بنیه سنی ، اخلاقی بحرانلرینی جملرینه و کشفاتلرینه ارجاع ایله ایضاح ایله میورمی ؟ کذا بوغله مساوات فیکرلرینه دائریازدینی ته زنده قسماً بوکا یاقین مطالعات درمیان ایتیه یورمی ؟ فقط قارل مارکس بوعمومی قضیه دن نهائی نتیجه لر چیقاریور : اقتصادی فعالیت بوتون بشری معنویاته حاکمدر . دین ، اخلاق ، حقوق ، بوتون شعور و وجدان اقتصادی طرز حیاته کوره تعین ایدن برر علی الحادئه درلر . بشر کندی فیکرلرله حادثاته حاکم اولدیغنی ظن ایدر ، حقیقتده معنوی انسان عصوی و اقتصادی طبیعتک بر محصولدر (صحیفه ۲۱۱-۲۱۲) بناء علیه ، مارکسه کوره ، انسانلرک کندی فیکری قوتیله اجتماعی شأبتی تبدیل ایدوبیله جکرینی ظن ایله مک خطادر . بو قناعتده دورقه یم اجتماعیات ایله مارکسیزم آراسنده مشترکدر . ب . کوستریورکه (صحیفه ۲۰۶-۲۰۷) خیال قوتیله جمعیتی اصلاح ایله مک ادعاسنده بولنان اون طنوزنجی عصرک نصف اولنده کی سوسیالیزمه قارشى جمعیتک قانونلرینی تدقیق ایدهرک استقبالی تخمین و تکاملک روشنی تثبیت ایتمکدن باشقه برشی یایمق نمکن اولمادیغنی ادعا ایدن

عامی سوسیالیزمک هجوملری « فکر یا تجیلره » قارشى اجتماعیاتجیلرک هجومنه مشاهددر . فی الحقیقه اجتماعیاتجیلرده ادعا ایدیورلرکه تاریخک حقیقی سوانقنى انفسى استبصارده بولمق ممکن دکلدر . شعورمن حرکاتمک عال ومبادیسی حقنده اکثریا بزى آلداتیر . بشرک یوانى تعین ایتک ایچون اونک حیاته حاکم ولان قوتلری خارجدن ، « آفاقى » طرزده تدقیق ایلمک لازمدر .

« آفاقى اجتماعیات » ایله « تاریخی ماده جیلک » آراسنده باشلیجه اختلاف نقطهسى جمعیتک تکاملنه حاکم اولان اساسلى قوتک تعیینندهدر . تاریخی ماده جیلک کوره انسانک وصف ممیزی « آلت یاپی » حیوان اولماسندهدر . آلتلر ، اقتصادی فعالیتمزک بو اساسلى رهبرلری شعور و وجدانمزکده حاکمیدولر . آلتک تکاملنى تدقیق ایلمک بشرى تاریخک کیدیشنى آکلامق ایچون یکانه چارهدر (۲۱۵ - ۲۱۸) . اجتماعیاتجیلر ایسه بو نقطهده قارل مارکسدن چوق اوزاقدولر . اونلره کوره بشرى جمعیتلرک وصف ممیزی « آفاقى برر قوت » حکمنده اولان معشرى تصورلرک موجودیتیدر . تاریخ بشرى آکلامق ایچون معشرى تصوراتى واونلرک قوت و نفوذنى دائماً کوز اوکنده بولندیرمق لازمدر (ص . ۲۴۰ - ۲۴۱) .

بوراده ، کندى حسابمزه ، برسؤال وضع ایده بیلیرز . « اجتماعیاتجیلر » ایله « تاریخی ماده جیلر » آراسنده طرز ایضاح اعتباریله موجود اولان بو اختلافی ایضاح ایتک احتیاجی و ایضاحک ممکن اولدیغنه اعتقاد اعتباریله بر اتحاد اراهه ایله مزى ؟ ب . بونقطهیه اشارت ایدن برملاحظه قید ایدیور (ص . ۲۰۸) : تاریخی ماده جیلک بر مونیزمدر . جمعیتک علمى اولمق اعتباریله هر علم کى وحدت نظری استلزام ایدر . دور قهیم اجتماعیاتى ده عینى ادعادهدر . اجتماعى حادثاتک معین قانونلره قایل ارجاع اولدیغنى بناء علیه فعلی تنوع و اخلافه رغماً منطقى وحدتی هم زمان و هم مکانده « دروناً » حائز بولندیغنى ضمناً قبول ایدر (صحفه ۲۰۹) . ب . نک بومقایسه سندن ده ایلری کیده بیله جکمز آشکاردر . دییه بیلیرز که اگر سیممه لک تاریخی ماده جیلک حقنده و بولونک دورقهیم اجتماعیاتى حقنده « معرفت نظریه سی » اعتباریله یاپدقلری تنقیدلر یافلاشدیر بیلیرسه [۱] هر ایکی مسله ککده اثباته محتاج اولان متعارف لرینک عینیت اراهه ایله دیکی کورولور . سیممه لک کوستردیکی وجهله حادثات اجتماعیه نک مشوش نسجی آراسنده تاریخی ماده جیلکک یالکز رسلسله نی ، اقتصادی حادثه لر سلسله سنى « بذاته شی » موجودیتی اعتباریله غیره محتاج اولایان و دیگر بوتون حادثاتی ایضاح ایدن « مبدأ اصلی » پایه سینه اصعاد ایله سى علم دکل مابعدالطبیعه در . بولونکده اشارت ایله دیکی وجهله حادثاتک کنه بله ، ذاتی وارلیله اشتغال ایتمین بوتون دیگر علوم خلافتنه دورقهیم اجتماعیاتک جمعیتک کنه نی ، بذاته شی اولارق ماهیتى تخمیننه چالیشمه سی ، حدوث اعتباریله زمان و مکانده یکدیگرینه متصل کوزوکن حادثه لر ایچنده بزه تجربه نک هیچ بر زمان اراهه ایدمه جکی طرزده بر قسمی شأ نیت حقیقیه نک ممثلى ، دیگر لرینده صولوق برر انعکاسى اولارق تفریق ایله مسى علمى دکل ، مابعدالطبیعی بر تفسیردر . دورقهیم اجتماعیاتى ، مارکسک تاریخی ماده جیلکى درجه سنده فلسفه یی حاویدر . وبر نوع مابعدالطبیعه اولمق اعتباریله مطلقیت ادعایینه رغماً هر ایکی سیستمکده زمان و مکانه نظراً اضافیلکلى آشکاردر .

[۱] Belot-Etudes de morale . positive Simmel-Probleme der Geschichtesphilosophie

ب. تدقیقنده مارقس فلسفه‌سی ایله اون سکرزنجی عصر دور تنورینک مشترک بر وصفنه اشارت ایدیور: هر ایکسی ده حادثات اجتماعیته نهای ایضاحلرینی بولمش اولق ادعاسنده درلر. هر ایکسی ده بشریتک اوزمانه قدر اوکنده اکیلدیکی (دینی، اخلاقی، حقوقی) قوتلرک قورقونج بررکولکهدن باشقه برشی اولمادقلرینی کوسترمکه چابالار. بو استقامتده وولته رایله قارل مارقسی ال اله یورور تحیل ایده بیلیرز (صحیفه ۲۳۷). فقط بو اجتماعی قوتلره اضافه ایدیلن قیمت مسئله‌سی برطرف ایدیلیرسه، عجبا دورقه‌یم اجتماعیته جمعیته، سرینی ایضاح ایله مک ادعاسنده کی اصراری وولته‌رک دینک اسرارینی کشف ایتمکده و مارقسک اجتماعی تکاملک بولوطلرینی بیرتمکده کی امنیتندن دهامی آزدر؟ بودوغماتیک «ایقانی» قطعی جرح ایله مک ایچون ایسه ینه دورقه‌یم ایله مارقسک نظریه‌لرینی کندی علیهلرینه چویرمک کافیدر: جمعیته محرک اصلیمی نه اولورسه اولسون (معشری تصورات، اقتصادی فعالیت) بوتون جمعیت حیاتک محصوللری اوکا نظراً اضافی اولی لازم کلدیکندن بو محصوللردن بری اولان علمده عینی اضافیته محکومدر. اگر بوتون اجتماعی حادثات، اجتماعی محرک اصلی به کورهنسی معنا و قیمتی حائزایسه علمده بونسیته قاتلامق اضطرارنده در. دورقه‌یمک «آفاق و مثبت» اجتماعی قدر مارقسک «علمی» سوسیالیزمی اجتماعی حیاتک نسبی قیمتی حائز محصوللری اولمقدن قورتولامازلر. بناء علیه جمعیته بذهانه وارغنه دایرزه نهائی وقطی حقیقتلر ارئه‌سنه مقتدر دکادرلر. اون طقوزنجی عصرده مختلف متفکرلرک جمعیت مبدآن استناداً ویرمک ایستدکلری نهائی ایضاح اولجه طبیعت ویا عقل مفهوملری اطرافنده تأمین ایدیلن مجرد بروحدت نظرک بزی اولاشدیردینی ایضاح درجه‌سندمه اضافی، انفسی و مابعدالطبیعیدر.

ب. سوسیالیزم تاریخنه حصر ایله دیکی اثرنده بومشکلانی قید ایله مه‌یور. فقط دورقه‌یمک وفاتی متعاقب ویردیکی اجتماعیات درس لرندن متشکل اولان «قیمت‌لرک تکاملی» حقنده کی اثرنده اجتماعیته مابعدالطبیعاته دوغرو میل ایدن مبالغه‌لی ادعالرینی تحفیف و تحدید ایله مک آرزوسنی دائمی صورته کوسترمه‌سی، احتمال، نهائی ایضاح اولارق جمعیت مبدآنک تولید ایله دیکی مشکلاقی حس اتمه‌سندندر. معلومدرکه دورقه‌یمک بولونیا فلسفه قونغرهنه تقدیم ایله دیکی یازبسندمه (بویازی نجم‌الدین صادق بک طرفندن ترجمه و ادبیات فاکولته‌سی مجموعهلرینک ایلاک نومرولرندن برنده نشر ایدیلشدی). اجتماعیته مفکوره‌لر یعنی قیمت‌لر علمی اولارق تعریف ایدیلشدی. قیمت‌لر نظریه‌سنی اجتماعیات چرچوه‌سنه حبس ایله مک ایسته‌ین دورقه‌یمله قیمت‌لرک منشأ و تکوینی مجرد یعنی فردی روحیات ایله ایضاح ایتمک ایسته‌ین آلمان مکتبی آراسنده ب. برحد معتدلی التزام ایدیور. قیمت‌لرک تکاملنه حصر ایله دیکی اثرک «قیمت‌لر و شأنیت‌لر» عنوانی بئشنده اجتماعی طرز ایضاحی اک اساسلی و شمولو اولارق قبول اتمکله برابر (صحیفه ۲۷-۳۸) مجرد یعنی فردی روحیات ایضاحنه اولدینی قدر (صحیفه ۱۸-۲۲) آنترپسیکولوژی ایضاحنده بره‌وقع بخش ایدیور (۲۳-۲۶). ب بو تمایلی یکی اولارق اظهار اتمه‌یور. یکریمی سنه دن فضله برزمان اول یازدینی «آلمانیاده علوم اجتماعیته» عنوانی اثرینک نتیجه‌سندمه اجتماعی ایضاحه قیود احتیاطیه وضع اتمشدی. بویله‌جه آلمان و فرانسز مکتبلری آراسنده ب. مصالح و متوسط اولدیغندن طولانی مهم و فکرلری تماماً تطمین ایله مکدن اوزاق برضعیتده بولونویور. بو حال، قیمت‌لرک تکاملی حقنده کی اثرنده تمامیه محسوسدر. مساوات فکرلری حقنده کی تدقیقنک مقدمه‌سندمه بوغله کندی فکرینه حاکم اولارق فرانسز دورقه‌یم ایله آن سیممه‌لی کوسترمشدی. یکدیگرینه قسملاً

اولدینی کی « صحیفه ۲۲۴ - ۲۲۵ » عقل نظرینک ضرورت آمرانه سنی عملی حیات فضیلتلرینه اساس کو سترمک ایسته ین نه ته لایکتو آلدیستلرک دعواسی ده مؤلفک اوزرنده او قدر اصرار ابتدکی قیمتلرک مختاریتی و تخلفی و تیره سیله مجروح اولمق لازم کلزمی ؟

بشری مدنیتک اک یوکسک صفحه لرینک عمومی منظره سنی تشکیل ایدن بو « مختار قیمتلر » قارشیدنده بشری روحک وحدتی ناصل محافظه ایدیلرک ؟ دورقه یم ایله برابر روح و شخصیت تماماً اجتماعی حیاتک محصولی عد اولنسه یدی و دینی ، علمی ، بدیی ، اخلاقی ، اقتصادی قیمتلرده تماماً جمعیت منشأ نه ارجاع اولنسه یدی شبهه یوقدی که جمعیتک وحدتی ، نه ایه الامر ، مفکوره لرک نهائی برآهنکنی و شخصی روحک ده وحدتی استلزام ایدر فرض اولنه بیلیردی . حالبوکه اولجه سوبله دیکمز وجهله ب . اجتماعیاتک ادعالرینی تحدید ایله مک آرزوسنده در . سیممه ل ایله برابر ب . شخصیتک تبارزینی جمعیت داخنده دکل ، بلکه مختلف جمعیتلرک ، زمهره لرک التصاق و انقطاع نقطه سنی تشکیل ایله مک اعتباریله جمعیت سایه سنده اولقله برابر ، بالخاصه بوندن طولانی ، نوعاً ما جمعیتک خارچنده ، یعنی زمهره لرک ارتباط و تصادم ایله دکلی نقطه ده ، فردلر ایچون بو زمهره لر آراسنده سربست بر ترجیحک ممکن و نسبی بر حریتک متحقق اولدینی آنده کوریور « صحیفه ۳۷ و ۲۷۵ » ، شخصیتک زمهره یه قارشی حریت دیمک اولدیغنی قبول ایله مکله ب . شو سؤاله معروضدر : معاصر وجدانک طانیدینی ایکی یویوک قیمتک ، فردی تخلفلره ، تنوعلره رغماً اوزرنده یکرمنجی عصر غرب جمعیاتک تماماً اتفاق ایله دیک کورولن ایکی قیمتک ، شخص بشرک و ملتک مستثنا پایهلرینک ایضاحی و تألیفی ناصل ممکن اولاجق ؟

ب . نک اثرنده بو مهم مسئله یه طوغرودن طوغرویه تماس ایدن آنجق اون صحیفه واردر « ۲۷۰ - ۲۸۰ » بوندن طولانی مواجهه سنده بولندینی مشکلاتی ناصل حل ایله دیکنی صراحتله آکلامق قابل دکلدر . اولاً معاصر ملی حیاتک اوصاف ممیزه سنی تثبیت ایله دیکنی وقت ب . شو مهم نقطه یه اشارت ایدیور : ملیت ، منسوبیتنی هیچ برخصوصی ، معین اعتقاد ایله باغلاماز . فقط دیکر طرفدن معشری مفکوره لره مالک اولمایان بر جمعیتک ده ادامه حیاتی ممکن دکلدر (۲۷۱ - ۲۷۲) فقط بو مفکوره لرک ده ملتک قادرویلرینی آشان و طاشان بشری بر قیمتی حائر اولدیلرینی ده کوز اوکنه کتیرمه لیر . حرب اخیرده هر بر ملت مدنیتی ، حقنی ، خلاصه بوتون بشری مفکوره لری مدافعه ایله مک ادعاسنده ایدی . *Ne penser qu'à soi, ne penser que pour soi est désormais un idéal paradoxal, tant il est anachronique.* « Tam anekshafi bin alimiyi astelzam aidr . خلاصه ، قیمتلرک تخلفی ، بشری و بین الملل بر ماهیت آلماسی ، جمعیتلرک انقطاع نقطه لرنده حر شخصیتلرک تبارزی ، بوتون بوموازی و تیره لرک نتیجه سی اولارق اعتراف ضروری دکلدر که « معنوی حیاتک ناظمی اولان زمهره آرتق کندی حیاتی ، کندی وارلغنک هر هانکی بر شکلده تمادیسنی غایه اعلا اولارق طانیماز . خادمی و آرتق آنجق بر آلتی اولدینی بشری قیمتلرله مفتخر اولارق کندی موجودیتنی آشار ؟ » (صحیفه ۳۷۶) . فقط وسیله و آلتک قیمتی مقید و مشروط بر قیمت دکلدر ؟ ملت ایچون قید و شرطدن عاری ، مطلق بر حیثیت و مختاریت ایسته یورسه ق بشری قیمتلری تعقیب ایدن حر شخصیتلر ایچون بسیط برواسطه اولماسیله اکتفا ایده بیلیرمی یز ؟ ب . بشری مفکوره لر ایچون بر آلت ماهیتنده کوردیکی ملی حیاتک ، ملی جمعیتک ناصل اولوب ده بوتون انسانلر ایچون مطلق بر غایه شکلنده تجلی

ایله دیکنی ایضاح ایچون حسیات روحیاتی قانونلرینه مراجعت ایدیور . عینی قیمت کاه برغایه ، کاه بروسيله حکمنده در . بر قیمت مختلف غایه لره واسطه اولایله دیکنی کبی واسطه منزله سنده اولان بر قیمتک مستقل غایه مرتبه سنده یوکسلدیکده واقعدر . (صحیفه ۷۵ - ۹۲) دورقه یمک اجتماعیات مبادیسنه ب . دن دها صادق اولان فوقونه کبی بر مؤلفک اخیراً نشر ایله دیکنی « مسئولیت » عنوانی اثرنده بیله بوروحی ایضاحانک مهم بر موقع اشغال ایله دیکنی کورولمکده ایسه ده ب . نک حسیاتک مناقله سی قانوننه ویردیکی اهمیت پک چوق فضله در . ب . یه کوره اجتماعی تحلف نتیجه سی جمعیت حیاتنده مشاهده ایله دیکمز تناقضلرک یانزهری بوروحی بجایشلرده وبونلرک نتیجه سی اولان قیمتلرک عملی انصافنده در . نته کم ب . بوفکری وطن مسئله سنه تطبیق ایدیور . وطن بزم متنوع امیدلرمزک الزم و ضروری واسطه سی وعاملیدر افرادیک مختلف مفکوره لر پیشنده قوشارق یکدیگرندن آیریلالرینه رغماً ، بر قیمتک دیکر قیمتلره کوره ضروری واسطه ویا غایه اولماسی ، مختلف قیمتلرک یکدیگریله حال ارتباطده conjunction بولونماسی سایه سنده وطنک وحدتی فعلی اولارق تحققی ایدیور (صحیفه ۲۷۹ ، ۲۸۰) .

بوتلفیده نظر دفتی جالب اولان فلسفه اساننه کوره بذاته غایه لرله بالواسطه قیمتلر آراسنده فرق کوزده تیلیمش اولماسی ، یاخود ، دیکر بر افاده ایله ، قدسی قیمتلره لامقدس ، مادی کوزوکن قیمتلر آراسنده کی فرقک تماماً اورنادن قالدیریلیمش بولونماسیدر . ب . قانک مشهور تفریقنه اعتراض دیورکه : (صحیفه ۸۱) « روحی - اجتماعی شأنیته او قدر قطعی فرقلر مشاهده اولونماز . مثلاً اخلاقی قیمتلر ، دائماً لذاته تقدیر ایدیلزلر . بر فعل فضیلتده ساده اونی وجوده کتیرن شخصی جهد تقدیر اولونماز ، بلکه تأمین ایده بیله دیکنی مختلف منافع اجتماعیده ملاحظه ایدیلر اساساً معشری حیاتک برواسطه سی اولارق تقدیر ایدیلده دیکنی زمان فضیلت اکثریا سلامت فردیه ایچون تأمینات عد اولونمازی ؟ هرایکی تقدیرده ده اخلاقی قیمتلر برواسطه منزله سنه ارجاع اولونمشلردر . » کذا (صحیفه ۲۸۴) : « عینی اخلاقی قیمت مختلف نظری جهنلردن مشروع و مقبول کوزوکه بیلیر . طوغرولنی ، ناموسکارلق ، صدق هم عندالله هم عندالناس مقبولدرلر الخ . . . »

مؤلفک بو تصریحاتنی نه درجه یه قدر قبول ایده بیلیرز ؟ شبهه یوقدرکه واقعه انسانلر ، مفکوره لرله مختلف علاقه لرله تابع و خادم اولاییلرلر . دین حد ذاتنده مطلق بر قیمت افاده ایده بیله چکی کبی سلامت شخصیه ایچون واسطه ده عد اولندینی واقعدر . فقط سلامت شخصیه سنی تأمین ، « جنتنی حاضر لامق » چاره سنی آرادینی ایچون فضیلتکار اولان کیمسه بر باشقه واسطه ایله عینی سلامتی تأمین ایده چک اولسه حرکتی مقبول کوریلله حکمیدر ؟ ملی حیات بعضیلری ایچون برغایه ، دیکرلری ایچون برواسطه اولاییلر . حدودلرک کمرک تعریفه لرله حمایه سنی ایسته یین ویا کندینه یکی اخراجات ساحه سی تأمیننی آرزو ایدن زنکین مستحصل ایله اردوده جان ویرن کویلونک عینی کله ایله وطن پرور توصیف اولونماسی ممکندر . لکن هرایکیسنکده عینی قیمت اخلاقیه اراهه ایله دکارینه حکم ایده بیلیرمی یز ؟ مفکورو قیمتلره اقتصادی - مادی قیمتلری عینی مرتبه ده و « بجایش و مناقله » سی ممکن علاقه لرله مجهز کورمک ، اونلرک آراسنده واسطه - غایه نسبتلری تأسیس ایدن روحی مقانیزمه اوزرنده اصرار ایدمک نهاییه الامر قدسی دویغولرله اقتصادی منافعک مبادله سی ممکن اولدینی حسنی تولید ایله مک تهلیکه سی قارشیسنده یز . روحی مشاهداتک فردی وجدانده مقدس مفکوره لرله مادی ، آلی ، نفی قیمتلر آراسنده دائمی برار تباط

و مناقله موجود اولدیغنی کوستردیکنی تصدیق ایلمکه مجبورز . فقط واقع ایله واجبك ، مشهور ایله مشروءك آراسنده کی فرقی نأسیس ایدن ده ینه بشری وجداندر . اکر ب . نك اوله تنقید ایله دیکی مادیة تاریخیه نك ادعای عکسنه بوتفریقك برخيال اولمادیغنی ، بر حقیقت افاده ایله دیکی قبول اولونویورسه قیمتلر آراسنده ، عملی ساحه ده ، مشعور و غیر مشعور اولارق آچیلان پاتقارلك ، قورولان کوپروترلك خارجنده مفکوره لرك مثالی وحدت و آهنکنی آرامق لازم کلیر .

ب . نك ایلك تحلیل ایله دیکنز اثرینه استناداً مشابهتلیخی ارانه ایلمکه چالیشدیغمز دورقه یمك ومارقسك اجتماعی فلسفه لرنده بونهای وحدت و آهنك احتیاجی « وصورى » یعنی قدسی شکلی اعتباریله ویا « مادی » یعنی محتواسی اعتباریله معشری قوتلر ویا اقتصادی ضرورتلر تصوریله تطمین ایدیلکه چالیشیلیوردی . ب . ایسه عصری جمعیتلرده مؤسساتك دینی نفوذلردن کیت کیده قورتولدیغنی نظر اعتباره آلارق بووتیره یه موازی اولارق مفکوره تسمیه ایله دبکمز قدسی و مطلق قیمتلرکده کنیدیلتی شیمدی یه قدر احاطه ایدن اعجاز هاله سندن صیریلاجقلمی فرض ایدیور . ب . نك نظرنده علی العموم قیمتلرک مختاریتک بر نتیجه سی ده دینی قیمتلره قارشى مختاریت یعنی لادینی ، لاقدسی الخ .. بر پایه و حیثیت اکتسابیدر . واقعا هر نوع مابعدالطبیعی - فاسفی اندیشه دن اوزاق اولان بو وضعیت مشاهده و ترسم ایدن روحیاتجی و اجتماعیاتجینك وظیفه سنی تشهیله خادم ایسه ده شخصیت و ملیت کبی نهائی فلسفه اخلاقیه مسئله لرینك وجدانغزی تطمین ایده جك برطرزده تفسیرینه و تقدیرینه مانع اولدیغنی ده آشکار بر صورتده کوروپورز .

م . ع . م